

Periodus N. memoria pontificiorum zelotarum adversus
T. II. art. III. Reformatos furor in Valle Telina Grifoni-
bus obnoxia A. 1620. ediderit, satis superque
constat.

Britannia.

In Anglia licet *Henricus VIII.* in causa ma-
trimonii sui à Papa diris devotus esset, eaque
propter omnem auctoritatem Pontificis A.
1534. abrogaret, contra Lutheranos tamen
nihilominus igne fæviit, nihilque plane in
doctrina mutavit *Edoardo VI.* demū ab Anti-
christi fermento cā repurgante; Hujus autē
Soror Maria Regina fideles in Anglia 1553.
crudelissime habuit, idē quoque *Maria Stu-
arta Scotiæ Regina vidua Francisci II. Galliæ
Regis A. 1558.* magno suo malo in Scotia
tentante. *Elisabetha* puriorei religionem
restaurans à *Pio V. Papa A. 1569.* excom-
municatur & variis tumultibus à Papæ gna-
thonibus Jesuitis Anglia ideò exire jussis, A.
1581. motis exagitatur. Illius successor *Jaco-
bus VI. Scotiæ*, sed I. Angliæ Rex, quod spes
Jesuitarum de reducendo per novum Re-
gem Papismo decollaret, cū Regina, prole &
ordinibus Regni misero exitio periisset, nisi
abominabilis *Conjuratio pulveraria* à Jesuitis
inita feliciter A. 1606. detecta fuisset. Res
Urbano VIII. melius successit in *Hiber-
nia*; cū *Carolus I.* Liturgiam *Wilh. Lau-
di Archiepiscopi Cantuariensis*, quæ Idolo-
latriæ Vaticanæ atque Hierarchiæ nimium
favere videbatur, introducere in animum
induxisset, orti sunt Puritanorum tumultus
ipsi Regi perniciosi, commissaque illa im-
manis *laniena Hibernica A. 1641.* in qua plus